

**AKT THEMELIMI
I SHOQËRISË ME PËRGJEGJËSI TË KUFIZUAR
"Media 66" SH.P.K.**

Sot, më datë 14.7.2005:

Z. Aleksander Frangaj, shtetas shqiptar, lindur në Lezhe, më 4.10.1968, me banim në Tirane, Rruga Dervish Hima nr. 1, dhe me numër pasaporte Nr. 0011396;

në përputhje me Ligjin Nr. 7638, datë 14.12.1992, "Për Shoqëritë Tregtare" kemi vendosur të krijojmë një Shoqëri me Përgjegjësi të Kufizuar të emëruar "Media 66" Sh.p.k. (më poshtë referuar si "Shoqëria"), duke nënshkruar këtë Akt Themelimi. Aktiviteti i kësaj Shoqërie do të rregullohet nga Statuti i saj, i cili është pjesë përbërëse e këtij Akti Themelimi dhe i bashkëngjitet si Shtojca 1.

Neni 1

Emri i Shoqërisë është "Media 66" Sh.p.k.

Neni 2

Selia zyrtare e Shoqërisë ndodhet në Rr. Dervish Hima, nr.1, ap. 10, Tirane

Neni 3

Kohëzgjatja e aktivitetit të Shoqërisë do të jetë 10 vjet, duke filluar që prej datës së regjistrimit të saj në Rregjistrin e Shoqërive Tregtare të Gjykatës së Rrethit Tiranë.

Shoqëria mund të përfundojë apo vihet në likuidim përpara këtij afati ose mund të zgjasë aktivitetin e saj me vendim të Asamblesë së Jashtëzakonshme të Ortakëve.

Neni 4

- 4.1. Objekti i Shoqërisë është aktiviteti radioteleviziv privat. Ai përfshin prodhimin, transmetimin, dhe ritransmetimin e programeve dhe informacioneve të çdo lloji me ane të zërit, figures, sinjaleve të koduara, shkrimit, të destinuara për publikun nepermjet valeve elektromagnetike, kablllove, perseritesve, sateliteve apo me çdo mjet tjetër.
- 4.2. Aktiviteti i Shoqërisë do plotësohet duke respektuar paanshmerisht të drejtën për informacion, bindje politike e besimet fetare, personalitetin, dinjitetin, jetën private të njeriut, si dhe të drejtat dhe liritë themelore të tij.
- 4.3. Shoqëria mund të financohet nepermjet reklames dhe sponsorizimeve në përputhje me sa parashikon legjislacioni në fuqi.
- 4.4. Sipas legjislacionit në fuqi dhe për arritjen e objektivit të Shoqërisë dhe qëllimeve të saj. Shoqëria mund të kryejë të gjitha veprimet në mënyrë të drejtëpërdrejtë ose të terthortë që lidhen qëllimin e mesipër të marrë edhe

interesa jo aksionere, ne Shoqei apo persona te tjere juridik te cilet mund te kene edhe qellime te tjera por qe lidhen me aktivitetin televiziv. Ajo mund te jape garanci dhe/ose mund te hipotekojë ne favor te ndonje banke, instituti krediti dhe financiar.

4.5 Aktiviteti i Shoqerise do te zhvillohet ne perputhje me aktet normative te Republikës se Shqiperise dhe ne menyre te vecante me ligjin nr. 7638 , te dates 19 nentor 1992, "Per Shoqerite Tregetare" dhe ligjin nr.8410, date 30 shtator 1998 "Per radion dhe televizionin publik dhe privat ne Republikën e Shqiperise".

4.6 Shoqëria do të realizojë, direkt apo indirekt, çdo lloj aktiviteti te lidhur me objektin e saj.

Neni 5

Kapitali themeltar i Shoqërisë është 100.000 (njëqind mijë) lekë.

Kapitali themeltar është i përbërë nga 100 (njëqind) pjesë kapitali, të gjitha të nënshkruara dhe të paguara, me vlerën prej 1,000 (njëmijë) lekë secila.

Neni 6

Derdhja e kapitalit themeltar është bërë krejtësisht nga ortaku i vetem Z., Aleksander Frangaj.

Neni 7

Pjesët e kapitalit janë të transferueshme ndaj të tretëve tërësisht apo pjesërisht, sipas procedurave të parashikuara nga Neni i Statutit.

Neni 8

Shoqëria administrohet nga 1 (nje) Administrator, qoftë edhe jo ortak, i cili do të emërohet apo shkarkohet nga Asambleja e Zakonshme.
Administratori emërohet nga Asambleja e Përgjithshme e Ortakëve për një periudhë e cila do te percaktohet ne aktin e emerimit, ne te kundert administratori dot e qendroje ne detyre per afat te pacaktuar.

Nëpërmjet këtij akti, emërohet Administrator:

Z. Aleksander Frangaj, shtetas shqiptar, lindur në Lezhe, më 4.10.1968, me banim në Tirane, Rruga Dervish Hima nr. 1, dhe me numër pasaporte Nr. 0011396;

Administratori ka të drejtë të veprojë, personalisht ose duke i deleguar personave të tretë, lidhur me të gjitha procedurat për regjistrimin e Shoqërisë si person juridik pranë organit kompetent. Ai është i autorizuar të veprojë për llogari të Shoqërisë deri sa regjistrimi i saj pranë Gjykatës së Rrethit Tiranë të ketë përfunduar.



Administratorit të sipërpërmendur i jepen të gjitha të drejtat e administrimit, të zakonshëm e të jashtëzakonshëm, duke përfshirë edhe nënshkrimin dhe ekzekutimin e të gjitha akteve në emër dhe për llogari të dhe ata mund të delegojnë pushtetin e tyre tek persona të tretë me prokura të posaçme të noterizuara.

Neni 9

Çdo mosmarrëveshje që lind ndërmjet ortakëve në lidhje me këtë marrëveshje apo Shoqërinë (përveç atyre personale apo që nuk kanë të bëjnë me Shoqërinë), do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.


Në rast se nuk arrihet në një zgjidhje miqësore të mosmarrëveshjes, ajo do t'i besohet Gjykatës së Rrethit Tiranë, përveç kur një nga ortakët vendos të kërkojë zgjidhjen e mosmarrëveshjes nga një trup arbitrash sipas procedurës së përcaktuar në Statut.

Lexuar, nënshkruar


Tiranë, më 14.7.2005.

Z. Aleksander Frangaj

Aleksander Frangaj



STATUT I "MEDIA 66" SH.P.K.



Sot, më date 14.7.2005, i poshtëshënuari:

- Z. Aleksander Frangaj, shtetas shqiptar, lindur në Lezhe, më 4.10.1968, me banim në Tiranë, Rruga Dervish Hima nr. 1, dhe me numër pasaporte Nr. 0011396;

Ka vendosur të nënshkruajë Statutin e mëposhtëm për themelimin e shoqërisë me përgjegjësi të kufizuar "Media 66" Sh.p.k. (më poshtë referuar si "Shoqëria").

Kapitulli I EMËRTIMI, OBJEKTI, SELIA, KOHËZGJATJA

Neni 1 - Forma

- 1.1. Shoqëria krijohet në formën e një shoqërie me përgjegjësi të kufizuar, dhe aktiviteti i saj rregullohet me anë të këtij Statuti dhe Aktit të Themelimit.
- 1.2. Shoqëria vepron sipas legjislacionit Shqiptar në fuqi.

Neni 2 - Emërtimi

Emërtimi i Shoqërisë është "Media 66" Sh.p.k.

Neni 3 - Objekti

- 3.1. Objekti i Shoqërisë është aktiviteti radioteleviziv privat. Ai përfshin prodhimin, transmetimin, dhe ritransmetimin e programeve radiotelevizive dhe informacioneve të çdo lloji me anë të zërit, figurave, sinjaleve të koduara, shkrimit, të destinuara për publikun nëpërmjet vave elektromagnetike, kablove, perseritesve, sateliteve apo me çdo mjet tjetër.
- 3.2. Aktiviteti i Shoqërisë do plotësohet duke respektuar paanshmerisht të drejtën për informacion, bindje politike e besimet fetare, personalitetin, dinjitetin, jetën private të njeriut, si dhe të drejtat dhe liritë themelore të tij.
- 3.3. Shoqëria mund të financohet nëpërmjet reklames dhe sponsorizimeve në përputhje me sa parashikon legjislacioni në fuqi.



- 3.4 Sipas legjislacionit ne fuqi dhe per arritjen e objektit te Shoqerise dhe qellimeve te saj. Shoqeria mund te kryeje te gjitha veprimet ne menyre te drejteperdrejte ose te terthorte qe lidhen qellimin e mesiperm te marre edhe interesa jo aksionere, ne Shoqeri apo persona te tjere juridik te cilet mund te kene edhe qellime te tjera por qe lidhen me aktivitetin televiziv. Ajo mund te jape garanci dhe/ose mund te hipotekojë ne favor te ndonje banke, insituti krediti dhe financiar.
- 3.5 Aktiviteti i Shoqerise do te zhvillohet ne perputhje me aktet normative te Republikes se Shqiperise dhe ne menyre te vecante me ligjin nr. 7638 , te dates 19 nentor 1992, "Per Shoqerite Tregtare" dhe ligjin nr.8410, date 30 shtator 1998 "Per radion dhe televizionin publik dhe privat ne Republikën e Shqiperise".
- 3.6. Shoqëria do të realizojë, direkt apo indirekt, çdo lloj aktiviteti te lidhur me objektin e saj.

Neni 4 - Selia

- 4.1. Selia zyrtare e Shoqërisë ndodhet në Rr. Dervish Hima, nr.1, ap. 10, Tirane.
- 4.2. Mbledhja e Jashtëzakonshme e Ortakëve mund të vendosë të transferojë selinë e Shoqërisë në një vend tjetër, apo mund të vendosë hapjen e filialeve, degëve dhe përfaqësive të Shoqërisë kudo brenda apo jashtë Republikës së Shqipërisë.

Neni 5 - Kohëzgjatja

- 5.1 Kohëzgjatja e aktivitetit të Shoqërisë do të jetë 10 vjet, duke filluar që prej datës së regjistrimit të saj në Rregjistrin e Shoqërive Tregtare të Gjykatës së Rrethit Tiranë.
- 5.1 Shoqëria mund të përfundojë apo vihet në likuidim përpara këtij afati ose mund të zgjasë aktivitetin e saj me vendim të Asamblesë së Jashtëzakonshme të Ortakëve.

Neni 6 - Përgjegjësitë

- 6.1. Shoqëria nuk përgjigjet për detyrimet e marra për qëllime që nuk përputhen me ato të përcaktuara nga Statuti dhe Akti i Themelimit.
- 6.2. Shoqëria nuk përgjigjet për detyrimet e marra nga ortakët në emrin e tyre personal ndaj personave të tretë.

2

KAPITULLI II KAPITALI THEMELTAR

Neni 7 - Kapitali themeltar

- 7.1. Kapitali themeltar i Shoqërisë është 100.000 (njëqind mijë) lekë.
- 7.2. Kapitali themeltar është i përbërë nga 100 (njëqind) pjesë kapitali të gjitha të nënshkruara dhe të paguara, me vlerën prej 1,000 (njëmijë) lekë secila.

Neni 8 - Kontributet dhe pjesët e kapitalit

- 8.1. Derdhja e kapitalit themeltar është bërë krejtësisht nga ortaku i vetem Z, Aleksander Frangaj i cili ka derdhur shumen prej 100,000 leke me anë të depozitimit të saj pranë noteres Mimoza Sadushi, siç vërtetohet prej certifikatës datë7.2005
- 8.2. Sipas kontributit të cituar me siper:
 - Z. Aleksander Frangaj i takojnë 100 (njëqind) pjesë kapitali, të barabarta me 100% (njëqind përqind) të kapitalit themeltar.

Neni 9 - Rritja e kapitalit themeltar

Asambleja e Jashtëzakonshme e Ortakëve mund të rrisë pa kufi kapitalin e Shoqërisë.

Në rast rritjeje të kapitalit, të gjithë ortakët kanë të drejtën të nënshkruajnë rritjen në raport me pjesët e kapitalit të zotëruara. Në rast se disa nga ortakët nuk e ushtrojnë këtë të drejtë, pjesët e tyre mund të nënshkruhen nga ortakët e tjerë proporcionalisht me pjesëmarrjen respektive si dhe në rast të mungesës së nënshkrimit, mund të nënshkruhen nga të tretët.

Neni 10 - Zvogëlimi i kapitalit themeltar

- 10.1. Shoqëria mund të reduktojë kapitalin themeltar me vendimin e Asamblesë së Jashtëzakonshme, me votën pro të ortakëve që zotërojnë të paktën $\frac{3}{4}$ (tre të katërtat) e kapitalit themeltar. Në çdo rast kapitali themeltar nuk mund të reduktohet nën kufijtë e parashikuar nga ligji.
- 10.2. Zvogëlimi i kapitalit përballohet prej secilit prej ortakëve në mënyrë proporcionale me pjesët e kapitalit të zotëruara.

Neni 11 - Transferimi i pjesëve të kapitalit dhe e drejta e parablerjes

11.1. Pjesët e kapitalit mund t'u transferohen të tretëve tërësisht ose pjesërisht, vetëm me vendimin e Asamblesë së Jashtëzakonshme të Ortakëve.

11.2. Transferimi për çfarëdo arsyeje, tërësisht ose pjesërisht i pjesëve të kapitalit të Shoqërisë është subjekt i të drejtës së parablerjes në favor të ortakëve të tjerë, të cilët mund të ushtrojnë këtë të drejtë në raport me pjesët e tyre të kapitalit, brenda 30 (tridhjetë) ditësh nga marrja e njoftimit të dërguar me letër rekomande, i cili përmban ofertën. Në rast se ortakët e tjerë nuk përgjigjen brenda afatit të parashikuar, konsiderohet se kanë hequr dorë prej të drejtës së parablerjes.

11.3. Në rast se njëri prej ortakëve refuzon apo heq dorë nga ushtrimi i të drejtës së tij të parablerjes, ortakët e tjerë, të cilët tashmë kanë ushtruar të drejtën e tyre të parablerjes, mund ta ripërdorin këtë të drejtë edhe për pjesën e ofruar ortakut që e refuzoi atë.

11.4. Në rast se më shumë se një ortak dëshirojnë të ripërdorin të drejtën e parablerjes, pjesët e kapitalit të ofruara ortakut që nuk dëshironte ta ushtronte të drejtën e tij, ndahen në proporcion me pjesët e kapitalit respektiv.

11.5. Në rast se vetëm njëri prej ortakëve dëshiron ta ushtrojë të drejtën e parablerjes, pjesa e kapitalit të ofruar i transferohet atij tërësisht ose në atë masë që ky ortak dëshiron.

11.6. Për këtë qëllim, ortakët që dëshirojnë të ripërdorin të drejtën e tyre të parablerjes duhet t'i njoftojnë vendimin e tyre ortakut që dëshiron të transferojë pjesët e tij të kapitalit brenda 15 (pesëmbëdhjetë) ditësh që prej marrjes së lajmit për mos ushtrimin e së drejtës së parablerjes prej ndonjërit prej ortakëve.

11.7. Të gjitha njoftimet e sipërpërmendura do të bëhen me shkrim dhe i adresohen Administratorit të Shoqërisë.

KAPITULLI III ASAMBLEJA E ORTAKËVE, ADMINISTRATORI, KONTROLI

Neni 12 -Të drejtat e pjesëmarrjes dhe votimit

12.1. Çdo ortak ka të drejtë të marrë pjesë në Asamble, të paraqesë mendimin e vet dhe të japë aq vota sa pjesë të kapitali themeltar zotëron.

12.2. Çdo ortak ka të drejtë të caktojë me një prokurë të shkruar një përfaqësues, në Asamble.

- 12.3. Ortaku nuk mund të delegojë të drejtën për të votuar për një pjesë të kapitalit të tij, nëse voton personalisht për tjetrën.

Neni 13 - Thirrja e Asamblesë së Ortakëve

- 13.1. Asambleja e Zakonshme e Ortakëve thirret një herë në vit brenda 6 (gjashtë) muajsh nga mbyllja e vitit për miratimin e bilancit, të relacioneve të Administratorit dhe të ekspertit kontabël (nëse është emëruar), veç inventarit.
- 13.2. Asambleja duhet të thirret nga Administratori nëpërmjet njoftimit me letër rekomande apo faks, që duhet t'u dërgohet ortakëve në adresat e dhëna Shoqërisë, dhe ekspertit kontabël (nëse është emëruar), të paktën 30 (tridhjetë) ditë përpara mbledhjes së Asamblesë. Thirrja duhet të përmbajë informacion mbi llojin e Asamblesë, mbi çështjet për t'u trajtuar dhe për t'u vendosur, mbi vendin, orën dhe datën e thirrjes së parë dhe të dytë.
- 13.3. Asambleja do të quhet e thirrur rregullisht, edhe pa respektuar këto formalitete, nëse marrin pjesë apo janë të përfaqësuar të gjithë ortakët apo përfaqësuesit e tyre, Administratori dhe eksperti kontabël (nëse është emëruar).
- 13.4. Asambleja e Zakonshme e Ortakëve vendos mbi të gjitha çështjet që nuk vendosen nga Asambleja e Jashtëzakonshme dhe në veçanti për sa vijon:
- emërimin apo zëvendësimin e Administratorit dhe ekspertit kontabël të autorizuar (nëse është emëruar);
 - miratimin e planeve të prodhimit, organizimit, zhvillimit të aktivitetit, buxhetit, llogarive vjetore, relacioneve të administratorit dhe ekspertëve kontabël të autorizuar, dhe inventarin;
 - shpërndarjen e fitimeve.
- 13.5. Asambleja e Zakonshme quhet e mbledhur rregullisht dhe mund të marrë vendime nëse janë të pranishëm ortakët që përfaqësojnë më shumë se 50% (pesëdhjetë përqind) të kapitalit.
- 13.6. Nëse mungon quorumi i pjesëmarrësve, Asambleja duhet të thirret për herë të dytë, dhe mund të vendosë me shumicë të thjeshtë pavarësisht nga numri i ortakëve të pranishëm ose të përfaqësuar dhe votues, me përjashtim të rastit të emërimit apo shkarkimit të administratorit. Në këtë rast, ortakët e pranishëm dhe votat e shprehura nga ortakët votues ose të përfaqësuar duhet të jenë 50% (pesëdhjetë përqind) të kapitalit themeltar edhe në rast të një thirrje të dytë.
- 13.7. Asambleja e Jashtëzakonshme quhet e mbledhur rregullisht dhe mund të marrë vendime në mbledhjen e parë dhe të dytë, me votimin e

ortakëve që përfaqësojnë të paktën $\frac{3}{4}$ (tre të katërtat) e kapitalit nëse ortakët të cilët përfaqësojnë $\frac{3}{4}$ (tre të katërtat) e kapitalit themeltar marrin pjesë.

13.8. Asambleja e Jashtëzakonshme, vendos mbi:

- ndryshimet e aktit të themelimit dhe të statutit;
- formimin e filialeve, degëve dhe përfaqësive jashtë shtetit;
- rritjen apo rrvogëlimin e kapitalit themeltar;
- ndryshimet në objekt dhe mbi blerjen e pjesëve të kapitalit në shoqëri të tjera;
- transferimin e pjesëve të kapitalit themeltar;
- emërimin dhe shkarkimin e likuidatorëve.

13.9. Asambleja cakton një kryetar për secilën mbledhje nga ortakët apo person i tretë.

13.10. Vendimet e Asamblesë duhet të shkruhen në procesverbal, i cili nënshkruhet nga Kryetari i Asamblesë dhe nga Sekretari. Në procesverbal duhet të përfshihen të përmbledhura, me kërkesën e ortakëve, edhe deklaratat e tyre.

Neni 14 - Administrimi

14.1. Shoqëria administrohet nga 1 (nje) Administrator, qoftë edhe jo ortak, i cili do të emërohet apo shkarkohet nga Asambleja e Zakonshme. Administratori emërohet nga Asambleja e Përgjithshme e Ortakëve për një kohëzgjatje që parashikohet në aktin e emerimit, në të kundërt do të qendrojnë në detyrë për një afat të pacaktuar, deri në largimin e tyre me vendim të asamblese.

14.2. Administratori përfaqëson Shoqërinë tek të tretët dhe ka të gjitha kompetencat, të zakonshme dhe të jashtëzakonshme me qëllim që të arrijë objektin e Shoqërisë.

Neni 15 - Eksperti kontabël i Autorizuar

15.1. Nëse është e nevojshme ose kërkohet nga ligji, kontrolli i bilancit financiar dhe i librave të kontabilitetit të Shoqërisë do t'i besohet një eksperti kontabël, i emëruar për një periudhë 3 (tre) vjeçare me mundësinë për tu rizgjedhur për një periudhë tjetër nga Asambleja e Zakonshme.

15.2. Eksperti kontabël i autorizuar mund të shkarkohet me të njëjtën procedurë.

KAPITULLI IV VITI FINANCIAR, BILANCI VJETOR, SHPËRNDARJA E FITIMEVE

Neni 16 - Viti financiar dhe bilanci vjetor

- 16.1. Viti financiar fillon më 1 janar dhe mbaron më 31 dhjetor të secilit vit.
- 16.2. Viti i parë financiar fillon në datën e regjistrimit të Shoqërisë në Regjistrin Tregtar të Gjykatës së Rrethit Tiranë dhe përfundon më 31 dhjetor të të njëjtit vit.
- 16.3. Bilancet vjetore, inventari, relacionet e Administratorit dhe ekspertit kontabël të autorizuar (nëse është emëruar) miratohen nga Asambleja me shumicën e ortakëve që përfaqësojnë më tepër se 50% (pesëdhjetë përqind) të kapitalit themeltar.
- 16.4. Miratimi i dokumentave që lidhen me vitin financiar duhet të bëhet brenda 6 (gjashtë) muajve që nga fundi i vitit financiar.

Neni 17 - Fitimet


- 17.1. Fitimet që rezultojnë nga bilanci vjetor, duke zbritur 5% (pesë përqind) që caktohen për rezervën ligjore deri në 10% (dhjetë përqind) e kapitalit themeltar, dhe duke zbritur gjithashtu të gjitha shumat që Asambleja vendos t'i vërë mënjanë, u shpërndahen ortakëve në proporcion me pjesët e kapitalit themeltar të zotëruara.
- 17.2. Asambleja mund të vendosë edhe zbritje speciale në favor të rezervave të jashtëzakonshme ose për qëllime të tjera apo dhe shtyrjen e shpërndarjes së fitimeve, plotësisht ose pjesërisht, në shërbimet e mëposhtme.

KAPITULLI V SHPËRNDARJA DHE LIKUJDIMI I SHOQËRISË

Neni 18 - Shpërndarja

- 18.1. Shoqëria shpërndahet me përfundimin e afatit të parashikuar nga Statuti, ose përpara përfundimit në rastet e parashikuara nga ligji, ose me anë të një vendimi të Asamblesë së Jashtëzakonshme të ortakëve.
- 18.2. Shoqëria nuk shpërndahet në rast të humbjes së zotësisë për të vepruar, pazotësisë juridike, vdekjes, ose falimentimit të Ortakëve.

Neni 19 - Likuidimi



7

19.1. Në rast shpërndarje, Shoqëria duhet të likuidohet.

19.2. Për të administruar këtë procedurë, Asambleja emëron një ose më shumë likuidatorë, të cilët paraqesin relacionet përfundimtare mbi gjendjen e aktivitetit dhe pasivitetit të Shoqërisë, mbi operacionet e likuidimit dhe mbi kohën e nevojshme për të përfunduar likuidimin.

19.3. Me përfundimin e procedurës së likuidimit, Asambleja do të vendosë, me shumicën e ortakëve që nevojitet për Mbledhjet e Jashtëzakonshme, mbi miratimin e bilancit financiar përfundimtar, mbi punën e kryer nga likuiduesi dhe mbi përfundimin e procesit të likuidimit.

19.4. Pas pagesës së kreditorëve dhe mbledhjes së kredive të jashtëzakonshme, likuidatori do t'i shpërndajë të ardhurat përfundimtare të likuidimit ortakëve, në proporcion me pjesët e kapitalit të zotëruara prej tyre në kapitalin themeltar.

Neni 20 - Transformimi i shoqërisë

Shoqëria mund të shndërrohet në shoqëri kolektive ose në shoqëri kolektive vetëm me miratimin unanim të ortakëve, ndërsa mund të shndërrohet në shoqëri aksionere me miratimin e shumicës së ortakëve që mbajnë më shumë se $\frac{3}{4}$ (tre të katërtat) e pjesëve të kapitalit themeltar.


Neni 21 - Zgjidhja e mosmarrëveshjeve

21.1. Të gjitha mosmarrëveshjet që mund të lindin në lidhje me interpretimin dhe/ose zbatimin e kësaj marrëveshje, si edhe ato që mund të lindin midis ortakëve (përveç atyre personale apo jashtë Shoqërisë) ose midis një apo më shumë ortakëve dhe Shoqërisë, do të zgjidhen në mënyrë miqësore dhe do të diskutohen në mënyrë të drejtpërdrejtë ndërmjet palëve të interesuara.

21.2. Në rast se nuk arrihet në një zgjidhje miqësore të mosmarrëveshjes, ajo do t'i besohet vetëm Gjykatës së Rrethit Tiranë,

Lexuar dhe nënshkruar

Tiranë, më 14/7/2005


Z. Aleksander Frangaj

